

## 2 MA TESALONIKASE

### Ɔko Nyɔare Gɔ I Paulo Ɔtsere

### Ɔtã Ma Tesalonikase

<sup>1</sup> Mme Paulo gu Silvano gu Timoteo nto botsere Ɔko gɔgbe botã mi ma nde Bo ose Ƴaa gu Bosate Yesu Kristo mare i Tesalonika. <sup>2</sup> Bo ose Ƴaa gu Bosate Yesu Kristo si matã mi isobue gu abualera.

*Boto Ƴaa I Kukpa So Mi Nsegbai Si Mikotegu Mi Ikpere.*

<sup>3</sup> Manyii, ipia so boape Ƴaa siba ɔwi biara ala mi ɔso. Ikote ngbo alaso mi kafokade to kamɔ fie mi kudɔe gɔ miba mitã so ana to kumɔ.

<sup>4</sup> Nnegbe ɔso boto borɔ mi iyere see i mafɔdedze ndẽ ne. Bose boɔe mi ndamu botã mafɔdedze ala kumegɔ miye teteree fie miba ɔle i kafokade ame atoa so mato makpẽgu mi fie mito miwe inye.

<sup>5</sup> Nwagbe ɔduɔ to ite so Ƴaa atɔme idae ye torɔrɔ, fie ɔto ɔatã mi kasekɔ i ɔ sigarakadekɔ ga ɔso mito miwe inye. <sup>6</sup> Ƴaa to ɔaye atɔme i ori see iso fie ɔakpadzẽ mma nto makpẽgu mi ɔduɔ kutsue. <sup>7</sup> Ɔto ɔatã so bo gu mi ɔduɔ ma lowe inye aana iwarã. Ƴaa to ɔabara ara wagbe ku ɔwi gɔ i Bosate Yesu gu Ƴaa makpabo aadusi mabɔre i kudokpo i ɔle gu ɔto sinyagemi ame. <sup>8</sup> Maturi ma loise maware Ƴaa fie maifo Bosate Yesu Itɔme Bielea ne, ɔakpadzẽ ma kutsue. <sup>9</sup> Bosate to ɔasa ma ɔbɔregu i ɔ anɔ fie maibanya ɔ ikpawai gu ɔle. Ɔawɔra ma gu ma nsegbai. <sup>10</sup> Ara wagbe to aaba ku iyi siare ne iso

i Yesu aaledza iba. Iyi nemo iso ne, ñ mafoddedze odudu to maasiai wũ mala maofa kayidu. Mi wũ mito miawe i ma ndẽ alaso mifo ñ Itõme Bielea ne boxere mi midẽ.

<sup>11</sup> Nnegbe oso boto bokparama kayi i mi iti owi biara ame ne. Botã Yaa iti so otã mi nsegbai si mikotegu nne oso makpere mi. Obuai mi, osu ñ siwarã opia mi ole so adzuni sɛɛ wa miba so miabara kafokade karabara ne, iaba ngbo.

<sup>12</sup> Boto bokare ara wagbe botã mi so si iakole Bosate Yesu Kristo iyere kato ala mi oso. O wũ oto ñakole mi ayere kato ala Yaa gu Bosate Yesu Kristo nnyainyo oso.

## 2

### *Midaatã So Oturi Kuwẽ Aasosola Mi.*

<sup>1</sup> Manyii, bobie so boxere mi sekelee i Bosate Yesu Kristo iledza iba gu bo ñ kore ikele iso. <sup>2</sup> Si mino so Bosate ibayi nemo ooba ne, boito bobie so mikpokpoto xee minigã ala oko xee kanya idi xee itõme o ne so bo loxe iso. <sup>3</sup> Midaatã kuwẽ si ososola mi i ori kuwẽ iso alaso Bosate Iyi iibaba gbogboogbo owi go i maturi gbodzoo aasẽ Yaa fie oturi lalaa go i Yaa aadi ote so ñawora aaba toto.

<sup>4</sup> Oto ñata oya ira biara ne mase masore gu Yaa iso i ori biara iso. Oto ñakole so kato ose ñase i Yaa isoreyo obara so so ñ ka nde Yaa.

<sup>5</sup> Minyigi so owi go lopia i mi kore ne, loxere mi ara wagbe. <sup>6</sup> Yee ne, ole owẽ nto otẽ ara wagbe ori ku kinio fie mi momo miye ole go ode. Yaa to ñadi oturi lalaa gomo ote i owi sɛɛ iso. <sup>7</sup> Ara nyanyarĩa wa mato mabara mawereosse karõ koko. Ara wa loaba ne, aibaba gbogboogbo owi

gɔ i ʎaa ɔɔɔi ngo lotẽ ɔturi lalaa gɔmɔ ɔri. <sup>8</sup> Ne kama ne, ʎaa to ðaɔi ɔturi lalaa gɔmɔ ɔte. Iyɔ ɔwi gɔ i Bosate Yesu aaba ne, ʎasu ɔ̃ kanya ame ɔwiri gu ɔ̃ ifiε ɔtsuedza wũ, ɔwɔra wũ pelepele. <sup>9</sup> Ɔbosam to ðatã ɔturi lalaa gɔgbe ɔle ɔsu ɔbara mila akparĩ gu awawãra agbãagbã. <sup>10</sup> Ɔturi lalaa gɔgbe to ðasu kasɔla igbã biara ɔsɔsɔla mma loawɔ. Mato maawɔ alaso maifo ʎaa itõme ne loatã ma ngbã maɔe. <sup>11</sup> Ne ɔso ʎaa to ðasu kasɔla siwarã ɔtã ma sɔ maafɔ sila maɔe. <sup>12</sup> Kawirikõ ne, ʎaa to ðatã ma ɔɔɔɔ ipɔ alaso maifo ɔ̃ itõme maɔe, ɣεε mawe isoɣɔ i akpi ibara ame.

### *Miya Teteree.*

<sup>13</sup> ʎεε ne, manyii, bɔse bɔpε ʎaa siba ɔwi biara ala mi ɔso. Bɔɣe sɔ ɔse ɔɔɔe mi gbaã alaso ɔɔi mi ta karõkasekõ sɔ miana ngbã. Ɔsu Siwarã Bielea ɔsekelera mi alaso mifo Itõme Bielea miɔe ɔso. <sup>14</sup> Iki i bo Itõme Bielea nεgbe iɣε ame ne, ʎaa ɔkpere mi sɔ miaba miana iyere le kumεgɔ i Bosate Yesu Kristo ba iyere. <sup>15</sup> Ne ɔso ne, manyii, miya parataa si mimɔẽ atõme wa bote mi i bo ɔko gɔ bɔtsere gu ara wa bɔɣere mi mila teteree.

<sup>16</sup> Bosate Yesu Kristo gu bo ʎaa gɔ loɔɔe bo i ɔ̃ abualera ame si ɔtã bo katetere ga loise kafẽ gu ɔriinyɔ teteree, <sup>17</sup> si ɔtã mi ɔle, ɔpia mi ɔto i mi ikade gu kurabarara sεε ɔɔɔɔ ame.

## 3

### *Minyigi Sɔ Miala Miɔkparama Kayi I Bo Iti.*

<sup>1</sup> Si loawiri ne, manyii, minyigi sɔ miala miɔkparama kayi i bo iti sɔ Bosate itõme aaki ikã kakɔi biara ifɔ kuware le kumεgɔ mifo ne

awe. <sup>2</sup> Mitã Bosate iti i bo iti sɔ ãadji bo ɔbɔregu i matilese gu makpibaradze nrɔɔ ame alaso iide maturi ɔduɔdu lofo ʏaa itɔme maɔe. <sup>3</sup> Bosate go nde nukuaresese si ɔpia mi ɔle, ɔdzuẽ mi sɔ Tsirise iibawo mi ɔɔe iso. <sup>4</sup> Bosate ɔso boba ɔriinyɔ i mi ame sɔ mito miabara ara wa bote mi fie boɔe sɔ miakelɛgu i katɔ mibara mibua. <sup>5</sup> Bosate mɔmɔ si ɔbusi mi situ sɔ miadɔe ʏaa, miya teteree i kanya kawẽ ame ku Kristo.

### *Miya I Karabara Iso.*

<sup>6</sup> Manyii, boka mi i Bosate Yesu Kristo iyere ame sɔ mibese so midji i mafɔɔedze dãdze ma loise i bo ara ite kanya iso. <sup>7</sup> Mi mɔmɔ miye kukaako sɔ ikote sɔ miabara karabara le kumɛgo bobara ku ɔwi go bopia i mi kɔre, boibara ndã. <sup>8</sup> Boisu bo ato bosia i mi kuwẽ iso, ɔe bobara karabara kasẽ i kakome sɔ bo inyo iso iibakpese mi ato. <sup>9</sup> Boba ɔri sɔ boasu bo ato bosia mi iso fie. ʏe go bobie sɔ miasuã kumɛgo miasegu so, mibara karabara ne, boibara ngbo. <sup>10</sup> Mianyigi sɔ ɔwi go bopia i mi kɔre ne, boɔere mi sɔ ngo loibabara karabara ne, ɔdaade ara.

<sup>11</sup> Boto boɔere mi ara wagbe alaso bono sɔ madãdze mawẽ pia i mi ndẽ maɔe ma manyii iso atɔme. <sup>12</sup> Bobie sɔ ikpa maturi magbe sekelee i Bosate Yesu Kristo iyere ame sɔ mase ngbã sɛe si masu ma nrɔɔ mabara karabara si maana adera maɔe.

<sup>13</sup> ʏe mi ne, manyii midaatã nrɔɔ si mifẽ mi i ira sɛe ibara ame. <sup>14</sup> Si ɔrere iibasiai atɔme wa boɔere mi i oko gogbe ame ne, misia wũ ikparĩ si mibese so i ɔ iso si kunuare si kukpẽ

wũ. <sup>15</sup> Midaatsiri wũ, γεε mitã wũ kuka le mi onyii awe.

*So Imala Atõme.*

<sup>16</sup> Bosate mómó gó nse otã isobue si otã mi isobue i mi ngbã odudu ame i ori biara iso si owegu mi odudu.

<sup>17</sup> Mme Paulo mómó mme nto losia atõme tsora wagbe ikparĩ ala wũ korõ le kumegó lose lobara i wũ siko odudu dze lose lotsere ame.

<sup>18</sup> Bosate Yesu Kristo si omõẽ mi odudu ola i õ abualera ame.

**Ndamu Ƴεε Siwu**  
**Siwu: Ndamu Ƴεε Siwu New Testament**

copyright © 2008 Wycliffe Bible Translators, Inc.

Language: (Siwu)

Contributor: Wycliffe Bible Translators, Inc.

All rights reserved.

2020-11-30

---

PDF generated using Haiola and XeLaTeX on 21 Feb 2024 from source  
files dated 1 Dec 2020

b5020a1a-c7b9-512a-9b46-1e462be571d4